

MEĐUNARODNA KONFERENCIJA „DANI KORPORATIVNE SIGURNOSTI 2016“



INSTITUT ZA KORPORATIVNE SIGURNOSNE STUDIJE (ICS-LJUBLJANA) JE U SARADNJI SA SLOVENSКИM UDRUŽENJEM KORPORATIVNE SIGURNOSTI I SE EVROPSKE ASOCIJACIJE KORPORATIVNE SIGURNOSTI (SECSA) U MJESECU MARTU ORGANIZOVAO 7. MEĐUNARODNU KONFERENCIJU „DANI KORPORATIVNE SIGURNOSTI“

■ Piše: Piše: Aljoša Kandžić, direktor, ICS institut
aljosa.kan@ics-institut.si

Učešće više od 180 učesnika i uglednih gostiju iz šireg regiona, 20 predavanja i dva okrugla stola još jednom su potvrdili epitet ovog skupa kao jednog od najkvalitetnijih regionalnih događaja na području korporativne sigurnosti. Svečanost su otvorili Denis Čaleta, predsjednik Slovenskog udruženja korporativne sigurnosti, Mitja Bervar, predsjednik Nacionalnog vijeća Republike Slovenije, Boštjan Šefić, državni sekretar Ministarstva unutrašnjih poslova, Mojca Prelesnik, povjerenica za informacije Republike Slovenije, i Aleš Polajnkó iz kompanije Tend, koja je bila i generalni sponzor ovogodišnjeg skupa.

Nagrada za doprinos

U uvodnom dijelu međunarodne konferencije upriličena je i podjela nagrade „Slovenian Grand Corporate Security Award“ za izuzetna ostvarenja u 2015. Ta nagrada je najveće priznanje u oblasti sigurnosti u Republici Sloveniji, koja se dodjeljuje odabranim institucijama i pojedincima za njihov inovativni doprinos razvoju i implementaciji sigurnosti. Dodjeljuje je ICS-Lju-



Denis Čaleta

bljana, u suradnji sa Slovenskim udruženjem korporativne sigurnosti. Nagrada je dodijeljena u osam kategorija, a dobitnici nagrada su: Zavarovalnica Triglav (najsigurnija kompanija), Boris Kankaraš iz Luke Koper (korporativni sigurnosni menadžer godine), kompanija Biokoda (najinovativnija sigurnosna rješenja), grad Ljubljana (najsigurniji grad), zajednica



Zajednički zaključak okruglog stola je da će stručnjaci na području korporativne sigurnosti u budućnosti trebati više interdisciplinarnih znanja kako bi bili u stanju efikasno djelovati na području upravljanja rizicima koje donosi dinamično sigurnosno okruženje

Slovenska Bistrica (najsigurnija zajednica), Iztok Podbregar (najbolja knjiga u oblasti sigurnosti) i Informativna emisija Planet danas, Planet TV (inovativna medijska promocija sigurnosti).

Predavanja i okrugli sto

Nakog uvodnog dijela konferencija je prema temama podijeljena u dva dijela na korporativnu i informacijsku sigurnost, u okviru kojih je održan niz odličnih predavanja priznatih gostiju iz Slovenije i inostranstva. Ksenija Butenko Černe, članica uprave kompanije Lek d.d., Danilo Burnač, direktor Mariborskoga vodovoda, Boris Mohar, direktor Ureda za zaštitu tajnih podataka, Aleš Polajnk, direktor kompanije TEND, Rok Novak, direktor Reisswolfa Slovenije, samo su neki od njih. Na kraju prvog dana napravljen je značajan okrugli sto na temu „Kako pozicionirati ulogu upravljanja korporativnom sigurnosti u organizaciji?“ Na njemu su učestvovali relevantni stručnjaci iz oblasti korporativnih sigurnosti: Dejan Pavlović, direktor korporativne sigurnosti u Naftnoj industriji Srbije, Mitja Stampfer, direktor korporativne sigurnosti i kontrole u Pošti Slovenije, Boris Kankaraš, direktor sigurnosti Luke Koper, Marijan Benko, izvršni direktor korporativne sigurnosti u Agrokoru, Tomislav Hodak, direktor korporativne sigurnosti Atlantic Grupe i Marko Potokar, menadžer sigurnosti u Leku. Razgovarali su o ulozi i pristupima za izvršenje procesa korporativne sigur-

nosti. U vrlo dinamičnoj raspravi svih komentatora naglašena je važnost razvoja korporativne sigurnosti, što je jedan od ključnih faktora koju ima strateški menadžment na raspolaganju za efikasno upravljanje rizikom.

Potreba za interdisciplinarnim znanjem

Sudionici su zatim razmijenili vlastita iskustva iz svoje organizacijske okoline. Zajednički zaključak okruglog stola je da će stručnjaci na području korporativne sigurnosti u budućnosti trebati više interdisciplinarnih znanja i tako efikasno djelovati na području upravljanja rizicima

koje nam donosi dinamično sigurnosno okruženje. Potrebno je posebno istaknuti vrlo aktivno sudjelovanje publike u raspravi, što je dodatno obogatilo kvalitetu tog okruglog stola.

Nakon dva dana predavanja konferencija je završila drugim okruglim stolom u ugodnoj atmosferi uz razmjenu mišljenja, iskustva i razumijevanja da s takvim stručnim skupovima treba nastaviti i u budućnosti. Dato je i obećanje da će se učesnici vidjeti i sljedeće godine na Dani korporativne sigurnosti 2017, jer je ta konferencija odlična prilika da razmijene iskustva i znanja iz oblasti korporativne sigurnosti. ◀

